



Eminentissimi Ac Reverendissimi Domini, D. Joannis Baptistæ, Cardinalis De Luca, Theatrum Veritatis Et Justitiæ, Sive Decisivi Discursus

Ad Veritatem Editi In Forensibus Controversiis, Canonicis & Civilibus, in quibus in Urbe Advocatus, pro una partium scripsit, vel Consultus respondit ; Cum Indicibus Argumentorum, Causarum ac Rerum luculentissimis. Opus Tam Judicibus, Quam Causarum Patronis, atque omnibus in utroque Foro ...

De Fideicommissis, Primogenitvris, Et Majoratibvs

Luca, Giovanni Battista de

Coloniae Agrippinae, 1690

Disc. CV. Firmana fideicommissi de Manardis. De eadem materia reciprocæ linearis, & præsertim ubi illa concepta est in numero singulari, puta, Et si unus, &c. An conveniat omnibus, ac resolvatur in ...

[urn:nbn:de:hbz:466:1-74060](https://nbn-resolving.org/urn:nbn:de:hbz:466:1-74060)

FIRMANA FIDEICOMMISSI DE MANARDIS

PRO

MANARDIS

CVM

PICUCCIIS

*Casus disputatus coram A. C. & resolutus
pro Manardis.*

De eadem materia reciproca linearis,
& præsertim ubi illa concepta est in
numero singulari, puta, *Et si unus*
&c. An conveniat omnibus, ac re-
solvatur in pluralitatem.

SVM MARIVM.

- 1 *Facti series.*
- 2 *Substitutio facta uni an intelligatur discretivè
in omnibus & de verbo, & si unus.*
- 3 *De reciproca lineari ex conjecturis etiam sine tribus re-
quisitis.*
- 4 *De acquisitionibus factis per gravatum de bonis here-
ditariis, ad quem pertineant.*

DISC. CV.

M Andricardus, heredes instituit quatuor filios
masculos cum perpetuo reciproco fidei-
commissio inter eos, eorumque filios & descenden-
tes, ac strictissime prohibitione alienationis, sæpius
repetita ratione conservationis bonorum in agna-
tione & familia, prohibitis quibuscumque detractio-
nibus etiam legitimæ cum cautela nuncupata *Socci-
ni*. Cumque ex dictis filiis primò decesserit Alphon-
sus absque prole, unde omnia bona in tribus super-
stitibus consolidata sunt, decessit secundo loco
Nuntius superstitibus Cæsare & Francisco, deinde
verò etiam absque prole decesserunt reliqui duo,
quorum successorem, tam ex fideicommissio,
quam ab intestato agnoverunt præfati Cæsar &
Franciscus, atque post diuturnam pacificam posses-
sionem annorum circiter viginti, insurrexerunt Vo-
lunnus & ceteri de Picucciis eorundem Joannis
Antonii & Raphaelis ex Maria sorore nepotes, præ-
tendentes eis etiam prædictorum intestatam succes-
sionem de jure debitam esse.

Et introducta causa coram A. C. me pro Manar-
dis scribente, istorum favore lata fuit sententia ab-
solutoria ex tribus fundamentis actores excludenti-
bus; Primò nempe ex fideicommissio in bonis à
præfato testatore provenientibus; Secundo autem
& tertio in bonis propriis defunctorum ex Statuto
Amandolæ excludente cognatos propter agnatos
usque ad secundum gradum de jure canonico inclu-
sivè, atque ex renunciatione Mariæ Joannæ acto-

rum matris; Introductaque causa in *Rota coram Be-
vilacqua*, Rota in exclusionem actorum, suspensis
aliis duobus motivis fideicommissi & renunciationis,
se restrinxit ad dictam exclusionem statutariam in
qua variavit, ex deductis in hac eadem causa *subti-
tulo de successioneibus*. Major autem ac penè totus
controversiæ effectus consistebat in fideicommissio,
ad quod ferè omnia bona spectabant, absque aliqua
detractione etiam legitimæ, Atque si quæ appare-
bant bona defunctorum libera ab eis qualita, in
pluribus censibus præsertim consentientia, adhuc ta-
men fideicommissaria censenda erant. utpotè ex
pecuniis fideicommissariis quæsitæ, ut in facto per
causæ Patronum pro constanti supponebatur.

Quatenus igitur ad hunc fideicommissi punctum
pertinet, potius coram A. C. quam in Rota, pro
actoribus scribentes dicebant, quod licet per testa-
torem literaliter inter filios institutos reciproca sub-
stitutio adesset expressa in illis verbis, *Quos ore pro-
prio instituit &c. & post eorum mortem. Et in unius-
cujuscunque portione substituit uniuscujusque filios libe-
ros & descendentes masculos legitimos & naturales de
uno in alium usque in infinitum, & invicem & recipro-
cè activè & passivè ordine successivo &c.* Attamen id
intelligendum erat discretivè inter cujuslibet primi
vocati filios & descendentes juxta *decisionem* 1023.
Seraph.

Hoc verò ex parte reorum conventorum non ne-
gabatur regulariter procedere; Dicebam tamen,
quætionem removeri ex facto, dum testator post
hujusmodi reciprocam inter cujuslibet filios & de-
scendentes discretivè ordinatam, ad aliam proces-
serat substitutionem reciprocam linearem in illis
verbis, *Et si unus dictorum ejus filiorum, vel unus filii
liberi & descendentes masculi in infinitum decesserint sine
filii liberi & descendentes legitimos & naturales sub-
stituit alium & alios dictos ejus filios, & illius ac illorum
filios liberos ac descendentes legitimos & naturales de
uno in alium in infinitum, & invicem & reciprocè, activè
& passivè ordine successivo vulgariter, & per fideicom-
missum*. Ex quibus verbis stante præsertim præce-
denti dispositione super reciproca discretiva, resul-
tabat alia reciproca linearis expressa.

Non negabatur hoc ex parte actorum, sed so-
lum dicebatur, quod cum hæc dispositio restricta
esset ad unum tantum morientem, ut liquet ex illis
verbis, *Et si unus dictorum filiorum, vel unus filii &c.*
illaque jam effectum sortita fuerit in Alphonso pri-
mo moriente, hinc inferebatur quod in reliquis
substitutio linearis exprasset ex deductis per *Peregr.*
ita in facti contingentia obtinuisse testantem de *fidei-
commissis art. 28. num. 22. & sequen. de quo Fusar.
quæst. 437. num. 246. Fellic. alleg. 14. num. 190. & se-
quen. p. 3.*

Facilem tamen objecti solutionem dicebam, ex
satis punctuali auctoritate *Rotæ in Romana fideicom-
missi de Quinque coram Pirovano impress. post Fenon.
ad Statut. Urbis decis. 103.* ubi examinando in specie
prædictam *Peregr.* auctoritatem, ac referendo ejus
casum, dicitur eam in suo casu rectè procedere, in
quo institutus duobus, ac facta substitutione sub hac
dispositione *Si unus*, defecto primo, & purificata
in superstitite substitutione, in isto tanquam ulterius
non gravato bona remanent libera; Secus autem
ubi agitur de dispositione generali cum pluribus
personarum ordinibus seu generibus, quia tunc illa
verba, *Si unus* denotant discretivam dispositionem
in singulis deficientibus, toties quoties casus eveni-
rit, cum verisimiliter cogitari non possit casus defi-
cientiæ plurium eodem tempore; Et sic numerus

singularis resolvitur in pluralitatem singulariter & discretive verificandam ideoque omnes sub tali dispositione usque ad ultimum omnium linearum comprehensi censentur, ut admittere videtur idem Peregr. d. art. 28. num. 24. atque declarando eundem observant Eufar. conf. 144. num. 14. & sequen. & optime Rot. apud Fenxon loco citat.

Clarius, quia ubi etiam dicta verba reciprocam linearem inducentia non adessent; Adhuc tamen eadem subintelligenda esset ex conjecturis, ex quibus hodie præsertim inter descendentes receptum est illam etiam sine tribus consuetis requisitis induci ex deductis apud Othob. decis. 77. & in Bonon. bonorum 27. Januarii 1662. coram Albergato, & frequenter ad hanc materiam reciproca linearis.

Conjecturæ autem videbantur nimis clara, manifestam redolentes voluntatem, nedum ex reciproca primo loco ordinata, sed etiam ex prohibitione alienationis, & ex altera prohibitione detractionum, etiam legitimæ cum strictissima cautela Soccini, ac demum ex dispositione in casu delicti repetita semper cum verbis nimis amplis & efficaciatibus, ratione acenixa voluntate perpetuæ conservationis bonorum integrè & sine aliqua diminutione in agnatione & familia, unde propterea videbatur voluntas clara incapax disputationis.

Quo vero ad qualitatem bonorum, quamvis plures census per ipsos gravatos acquisiti essent, atque ego admitterem propositionem hodie in foro pro regula receptam, ut acquisitiones factæ nomine proprio per gravatum suæ sint, ac sibi acquirantur, quamvis de pecuniis hæreditariis, in quarum restitutione tantum debitor remanere dicitur, ad sui commodum vel periculum acquisitionis cedente ut infra discurs. 177. cum ibi proximis; Inanem tamen dicebam hujus inspectionis effectum, vel ex ejusdem regula recepta limitatione, quoties testatoris præceptum accedit de investendis pecuniis hæreditariis, cum tunc præsumptio sit sub nomine hæreditatis acquisitionem factam esse, quamvis pro se ejusque hæreditibus cantet ex firmatis decis. 38. num. 1. & sequen. par. 9. recent. in Catacen. hereditatis 28. Aprilis 1653. Cerro decision. 3. d. parte II. recentior. edita in causa de qua d. discurs. 177. Vel quia in omnem eventum gravati remanerent debitores pro reintegratioe fideicommissi in pecuniis obventis ex censum hæreditariorum extinctionibus, pro quibus tanquam liquidis & certis competeat retentio, quæ indubitate intrat, quoties objectum illiquiditatis non obstat ex deductis supra in Fulginaten fideicommissi disc. 73. & in aliis, unde effectus erat idem.

ROMANA PALATII DE CAPRANICA

PRO

BARTHOLOMEO, ET ALIIS
DE CAPRANICA.

CONTRA

MONASTERIO PURIFICATIONIS.

Causa decisas per Rotam pro Capranica
postea concordatus.

De reciproca contenta in dispositione
vocante ab initio plures per
plures diversas lineas constituta
An intelligatur discretive inter
descendentes cujuslibet lineæ, nota
tem de linea ad lineam, vel per
etiam isto secundo modo ob
dividuitatem, vel quia dispo
consideraverit omnes tanquam
uno genere, seu linea.

SUMMARY

- 1 **F**acti series.
- 2 **R**esolutio cause.
- 3 **O**bjecta seu rationes dubitandi.
- 4 **P**ossessio presumitur ex titulo præambulo de qua
stat.
- 5 **Q**ualis sit vera probatio descendenti sui legitimi
nis personarum, & quod illa per scripturam
in antiquis sit fallax
- 6 **F**ideicommissario competit immisio ex testam.
fin. vel ex Salviano.
- 7 **D**eclaratur ubi fideicommissum est per adimissio
tatem secus si per actum inter vivos, & in
differentiis.
- 8 **C**onstitutum expirat in primo & non suffragatur
cessoribus.
- 9 **C**oncessio Principis transfert dominium & posses
etiam sine traditione.
- 10 **E**x investitura vel concessione Principis competit
missio ad instar l. fin.
- 11 & 12. **D**e regulis seu conclusionibus in materia
proce linearis.
- 13 **D**eclaratur conclusio de reciproca intelligendi
tive in pluribus lineis ab initio constituta.
- 14 **D**e fideicommissio factio ad favorem familiae
devotur tanquam unum corpus sine distinctione
nearum.
- 15 **Q**ui declarat non disponit, sed quid disponit
aperit.
- 16 **D**e circumstantiis denotantibus fideicommissi
dispositionis individuitatem, ob quam non
distinctio linearum vel graduum, & non
do successorius, sed potius quoddam jus
sciendi.
- 17 **D**e differentia inter unam, & alteram speciem
proce linearis ad diversos effectus.

DISC. CVI

Cum Cardinalis Dominicus de Capranica
ejus testamento mandasset in proprio
posito in platea, quæ de Capranica nuncupatur
Collegium Scholasticum, Cardinalis vero Angelus
germanus frater & hæres cuperet idem Palatium
ab ipso ampliatum, & ampliandum, ut præterea
illorum temporum conditione confiscentum, ut
quere nepotibus, eorumque descendentes, in
familia in perpetuum conservaretur; Hinc præterea
constructo quodam adjacenti ædificio occupato